

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI RABU, 26 JUN 2024, PUKUL 10.00 PAGI**

**Bil. 22**

---

**PERTANYAAN-PERTANYAAN BAGI JAWAB LISAN**

1. PR-1532-L24789  
**Datuk Seri Ir. Dr. Wee Ka Siong [ Ayer Hitam ]** minta **MENTERI KEWANGAN** menyatakan pandangan Kerajaan terhadap isu kekerapan gangguan perkhidmatan atas talian oleh institusi perbankan ini dan sejauh manakah kesediaan Kerajaan untuk mengenakan penalti susulan prestasi perkhidmatan perbankan yang kerap tergendala sehingga menyusahkan para pengguna.
2. PR-1532-L24698  
**Datuk Dr. Nik Muhammad Zawawi bin Haji Salleh [ Pasir Puteh ]** minta **MENTERI DALAM NEGERI** menyatakan apakah jaminan pelaksanaan Pelan Liberalisasi Visa (PLV) tidak menggugat keselamatan rakyat dan negara sedangkan peningkatan pekerja asing tanpa dokumen telah mencecah 6 juta orang pada tahun 2022 (Kajian KRI oleh Nixon) termasuklah mereka yang menyalahgunakan kemudahan tersebut untuk tinggal lebih lama di Malaysia.
3. PR-1532-L24516  
**Tuan Haji Onn bin Abu Bakar [ Batu Pahat ]** minta **MENTERI PENDIDIKAN** menyatakan status kemajuan pembinaan terkini 26 buah sekolah yang telah dijanjikan dibina dalam peruntukan tahun 2024.
4. PR-1532-L24531  
**Datuk Muslimin bin Yahaya [ Sungai Besar ]** minta **MENTERI PEMBANGUNAN USAHAWAN DAN KOPERASI** menyatakan apakah inisiatif proaktif Kementerian dalam usaha membantu golongan usahawan kecil terutama dalam kalangan B40 dan usahawan belia di kawasan pedalaman dan luar bandar Sabah dan Sarawak.

5. PR-1532-L25964  
**Tuan Ramkarpal Singh A/L Karpal Singh [ Bukit Gelugor ]** minta **MENTERI PENDIDIKAN TINGGI** menyatakan sama ada Kerajaan bercadang untuk membenarkan bukan Bumiputera menuntut di UiTM dengan meminda Akta UiTM 1976. Sekiranya tidak, nyatakan alasan-alasannya.
6. PR-1532-L24582  
**Tuan Roslan bin Hashim [ Kulim Bandar Baharu ]** minta **MENTERI PENDIDIKAN** menyatakan apakah tindakan KPM bagi mengatasi isu 10,160 daripada 38,3685 calon SPM 2023 tidak hadir menduduki peperiksaan. Isu yang semakin serius ini.
7. PR-1532-L24393  
**Puan Syerleena binti Abdul Rashid [ Bukit Bendera ]** minta **MENTERI SUMBER ASLI DAN KELESTARIAN ALAM** menyatakan :
  - (a) penjelasan Kerajaan berhubung usaha-usaha bagi menambah populasi harimau Malaya dan adakah usaha tersebut telah menampakan hasilnya; dan
  - (b) penjelasan Kerajaan mengenai status semasa jumlah harimau Malaya yang masih wujud di dalam hutan di negara ini.
8. PR-1532-L25785  
**Tuan Wan Ahmad Fayhsal bin Wan Ahmad Kamal [ Machang ]** minta **MENTERI PERALIHAN TENAGA DAN TRANSFORMASI AIR** menyatakan apakah perancangan dan langkah yang akan diambil bagi menyelesaikan masalah air di negeri Kelantan terutamanya berkenaan masalah Air Tidak Terhasil (Non-Revenue Water) melalui cadangan yang telah dikemukakan oleh Kerajaan Negeri Kelantan.
9. PR-1532-L24430  
**Tuan Hassan bin Abdul Karim [ Pasir Gudang ]** minta **MENTERI KEWANGAN** menyatakan apakah sebab-sebabnya pada akhir-akhir ini nilai Ringgit Malaysia semakin kukuh berbanding dolar Amerika Syarikat.
10. PR-1532-L25733  
**Tuan Jamaludin bin Yahya [ Pasir Salak ]** minta **MENTERI PERLADANGAN DAN KOMODITI** menyatakan :
  - (a) apakah status Pelan Tindakan Strategi Pensijilan Minyak Sawit Mampan Malaysia (MSPO) 2024-2026 yang dilancarkan pada Mei lalu serta inisiatif-inisiatif yang berkaitan; dan

- (b) sejauh manakah perancangan ke arah memperkasa industri minyak sawit termasuk usaha meningkatkan pengeluaran dan pengeksportan produk komoditi sawit mampan.

11. PR-1532-L25938

**Tuan Mordi Bimol [ Mas Gading ]** minta **MENTERI DALAM NEGERI** menyatakan apakah langkah-langkah untuk memastikan bidang kuasa dan kerjasama di antara pihak PGA, ATM, IPD, PDRM, Kastam, Imigresen dan penguatkuasa KPDN demi untuk membanteras aktiviti penyeludupan barangan kawalan dan barangan larangan yang semakin berleluasa di persempadanan di Indonesia - Sarawak.

12. PR-1532-L24945

**Dr. Hajah Halimah Ali [ Kapar ]** minta **MENTERI PERPADUAN NEGARA** menyatakan senarai aktiviti dan peruntukan bagi jiran wanita, jiran muda dan jiran warga emas di bawah Jawatankuasa Rukun Tetangga di dalam kawasan Kapar.

13. PR-1532-L24449

**Tuan Khoo Poay Tiong [ Kota Melaka ]** minta **MENTERI KEWANGAN** menyatakan :

- (a) jumlah pencarum KWSP yang memindahkan caruman dari Akaun 1 ke Akaun 3, jumlah pencarum dan caruman yang telah dikeluarkan dari Akaun 3 setakat ini; dan
- (b) strategi jangka panjang untuk memastikan pelaburan KWSP tidak terjejas ekoran penstrukturan semula akaun KWSP.

14. PR-1532-L24513

**Tuan Rushdan bin Rusmi [ Padang Besar ]** minta **MENTERI PENDIDIKAN TINGGI** menyatakan apakah tahap keberjayaan program Asasi TVET yang telah selesai satu kohort pengambilan.

15. PR-1532-L24722

**Tuan Syed Ibrahim bin Syed Noh [ Ledang ]** minta **MENTERI PEMBANGUNAN USAHAWAN DAN KOPERASI** menyatakan :

- (a) impak jangkaan Pelan Perancangan Strategik KUSKOP kepada usahawan terutamanya usahawan PMKS dan wanita ; dan
- (b) statistik unjuran bantuan kepada usahawan bagi suku pertama tahun 2024.

16. PR-1532-L24525  
**Kapten Azahari bin Hasan [ Padang Rengas ]** minta **MENTERI PERALIHAN TENAGA DAN TRANSFORMASI AIR** menyatakan pentaksiran semula ke atas takrif kadar elektrik yang meningkat di mana sedikit sebanyak memberi kesan kepada perbelanjaan bulanan rakyat M40 bermula Januari lalu.
17. PR-1532-L24463  
**Tuan William Leong Jee Keen [ Selayang ]** minta **MENTERI PENDIDIKAN** menyatakan statistik bagi kadar peratusan murid bagi komuniti Orang Asli, termasuk kaum asal bagi Sarawak dan Sabah yang tidak melengkapkan persekolahan di Malaysia. Mohon untuk membahagikan data tersebut kepada prasekolah, sekolah rendah dan sekolah menengah.
18. PR-1532-L24544  
**Tuan Sabri bin Azit [ Jerai ]** minta **MENTERI DALAM NEGERI** menyatakan status kes pencerobohan di Istana Negara dan ancaman bunuh kepada pemimpin politik serta perancangan tuntas untuk membanteras unsur ekstremisme daripada semakin menular dalam Malaysia.
19. PR-1532-L24473  
**Tuan Tan Kar Hing [ Gopeng ]** minta **MENTERI PENDIDIKAN TINGGI** menyatakan usaha dan rancangan Kementerian untuk menjadikan institusi pengajian tinggi sebagai hub inovasi yang boleh menarik pembiayaan projek inovasi serta menampung keperluan industri.
20. PR-1532-L25677  
**Tuan Zakri bin Hassan [ Kangar ]** minta **MENTERI PENDIDIKAN** menyatakan apakah langkah-langkah Kementerian Pendidikan untuk mengurangkan jumlah ketidakhadiran pelajar Sijil Pelajaran Malaysia (SPM) menduduki peperiksaan. Hal ini kerana SPM merupakan satu-satunya peperiksaan paling penting di alam persekolahan dan merupakan syarat paling utama untuk mendapatkan pekerjaan.
21. PR-1532-L24459  
**Tuan William Leong Jee Keen [ Selayang ]** minta **MENTERI PERPADUAN NEGARA** menyatakan apakah usaha yang telah diambil oleh Kementerian bagi merobohkan benteng-benteng kepada perpaduan dan inklusiviti seperti ketidakpercayaan (*distrust*), stereotaip serta prejudis dalam kalangan kaum di Malaysia yang kini semakin memudaratkan.

22. PR-1532-L25750

**Tuan Jamaludin bin Yahya [ Pasir Salak ]** minta **MENTERI PERPADUAN NEGARA** menyatakan apakah Kementerian berhasrat untuk menaikkan elaun Rukun Tetangga yang selama ini berada pada tahap yang rendah.

23. PR-1532-L24397

**Tuan Sanisvara Nethaji Rayer A/L Rajaji [ Jelutong ]** minta **MENTERI DALAM NEGERI** menyatakan apakah langkah-langkah keselamatan yang telah diambil bagi mempertingkatkan keselamatan di sempadan negara bagi membanteras dan mengekang masalah pendatang tanpa izin yang makin meningkat saban hari.

24. PR-1532-L24570

**Tuan Haji Mohd Syahir bin Che Sulaiman [ Bachok ]** minta **MENTERI KEWANGAN** menyatakan perincian mekanisme rasionalisasi subsidi bahan api dan anggaran penjimatan subsidi yang akan dipindahkan dalam bentuk bantuan tunai mengikut kategori isi rumah serta kesan pindahan (*knock-on effects*) mengikut sektor mengambil kira unjuran kenaikan inflasi secara terperinci susulan pelaksanaannya.

25. PR-1532-L25799

**Dato' Ngeh Koo Ham [ Beruas ]** minta **MENTERI PENDIDIKAN** menyatakan bagaimana penggredan dilakukan untuk semua mata pelajaran dalam Sijil Pelajaran Malaysia bagi tahun 2023. Nyatakan markah kelulusan untuk setiap mata pelajaran bagi tahun 2023.

26. PR-1532-L25364

**Tuan Muhammad Fawwaz bin Mohamad Jan [ Permatang Pauh ]** minta **MENTERI SUMBER ASLI DAN KELESTARIAN ALAM** menyatakan :

- (a) berapa jumlah keluasan tanah rizab Melayu di setiap negeri yang telah bertukar status kepada bukan Melayu ; dan
- (b) perincian tindakan Kementerian untuk mengembalikan semula pemilikan tanah-tanah rizab Melayu yang telah hilang berdasarkan undang-undang.

27. PR-1532-L24606

**Dato Anyi Ngau [ Baram ]** minta **MENTERI PERALIHAN TENAGA DAN TRANSFORMASI AIR** menyatakan projek-projek yang dirancang serta diluluskan untuk memulihara hakisan tebing sungai bagi menyelamatkan rumah panjang atau kampung di Sarawak amnya dan di kawasan Baram khususnya dalam masa terdekat ini.

28. PR-1532-L24557  
**Dr. Ahmad Fakhruddin bin Fakhurrazi [ Kuala Kedah ]** minta **MENTERI PENDIDIKAN** menyatakan perancangan komprehensif bagi meningkatkan bilangan pelajar aliran sains tulen untuk memenuhi penawaran bidang pengajian di fakulti tertentu berkaitan sains, teknologi, kejuruteraan dan matematik (STEM) selaras dengan nisbah 60:40.
29. PR-1532-L24386  
**Dr. Richard Rapu @ Aman anak Begri [ Betong ]** minta **MENTERI PENDIDIKAN** menyatakan langkah-langkah yang akan dilaksanakan berhubung pelaksanaan penugasan kuasa dalam pengambilan guru baharu daripada Suruhanjaya Perkhidmatan Pendidikan kepada Kementerian Pendidikan Malaysia , serta bagaimana ianya dijangka akan memberi impak dalam memenuhi isu kekurangan guru di Sarawak dalam masa yang lebih singkat.
30. PR-1532-L24816  
**Dato' Sri Dr. Haji Ismail bin Haji Abd. Muttalib [ Maran ]** minta **MENTERI DALAM NEGERI** menyatakan statistik kes jenayah yang melibatkan pelajar-pelajar sekolah rendah dan menengah dalam tempoh lima tahun termasuk tahun 2023.
31. PR-1532-L25425  
**Puan Young Syefura binti Othman [ Bentong ]** minta **MENTERI SUMBER ASLI DAN KELESTARIAN ALAM** menyatakan :  
(a) sejauh mana usaha dan tindakan Kerajaan bagi mengatasi isu pencemaran sungai di seluruh negara; dan  
(b) apakah jumlah sungai tercemar menunjukkan penurunan dari tahun ke tahun.
32. PR-1532-L24644  
**Tuan Haji Mohd Misbahul Munir bin Masduki [ Parit Buntar ]** minta **MENTERI KEWANGAN** menyatakan insentif atau bantuan kepada ahli yang memilih untuk memindahkan baki dari Akaun Sejahtera ke Akaun Fleksibel.
33. PR-1532-L24396  
**Tuan Sanisvara Nethaji Rayer A/L Rajaji [ Jelutong ]** minta **MENTERI DALAM NEGERI** menyatakan apakah langkah-langkah keselamatan yang telah dipertingkatkan di semua balai polis di seluruh negara susulan kejadian serangan ke atas balai polis yang berlaku di Ulu Tiram, Johor dan di Balai Polis Dato Keramat, Jelutong, Pulau Pinang.

34. PR-1532-L25138

**Dato' Sri Saifuddin Abdullah [ Indera Mahkota ]** minta **MENTERI PENDIDIKAN** menyatakan perancangan dan intervensi proaktif pihak Kementerian ke arah meningkatkan prestasi skor Program Penilaian Pelajar Antarabangsa (PISA) termasuk domain literasi yang ditaksir seperti matematik, saintifik dan bacaan mengambil kira impak pandemik yang turut menyumbang kepada insiden keciciran pembelajaran di peringkat global.

35. PR-1532-L25225

**Dato' Seri Haji Aminuddin bin Harun [ Port Dickson ]** minta **MENTERI KEWANGAN** menyatakan apakah perancangan Kementerian untuk memberikan insentif cukai dan kemudahan lain untuk menggalakkan pelaburan swasta dalam sektor-sektor strategik Kerjasama Awam-Swasta (PPP) serta menggalakkan kerjasama awam-swasta untuk membiayai projek infrastruktur dan pembangunan yang besar dalam memacu ekonomi negara.

36. PR-1532-L25261

**Tuan Hassan bin Saad [ Baling ]** minta **MENTERI SUMBER ASLI DAN KELESTARIAN ALAM** menyatakan penyelesaian bagi masalah kawalan haiwan liar daripada mengganggu tanaman serta mampu mengancam keselamatan penduduk khususnya di daerah Baling.

37. PR-1532-L25159

**Dato' Verdon bin Bahanda [ Kudat ]** minta **MENTERI DALAM NEGERI** menyatakan kesediaan Kerajaan untuk menaik taraf kompleks CIQS pelabuhan Kudat sebagai hub baru kemasukan penumpang dan perdagangan selaras dengan persetujuan Kerajaan Negeri untuk mengaktifkan semula laluan Feri di antara Kudat, Malaysia dan Palawan, Filipina.

38. PR-1532-L24624

**Tuan Sivakumar Varatharaju Naidu [ Batu Gajah ]** minta **MENTERI PENDIDIKAN** menyatakan jumlah peruntukan penyelenggaraan yang dibelanjakan untuk SJKT bagi tahun 2023. Mohon jelaskan juga mengenai peruntukan-peruntukan lain yang disalurkan serta perancangan peruntukan dana penyelenggaraan SJKT bagi tahun 2024.

39. PR-1532-L24432

**Dato' Sri Sh Mohmed Puzi bin Sh Ali [ Pekan ]** minta **MENTERI KEWANGAN** menyatakan menerusi penstrukturan semula akaun Kumpulan Wang Simpanan Pekerja (KWSP), apakah statistik semasa peratusan pengeluaran wang pencarum daripada Akaun Fleksibel dan apakah kesan jangka masa panjang terhadap kestabilan simpanan persaraan pencarum.

40. PR-1532-L24387  
**Dr. Richard Rapu @ Aman anak Begri [ Betong ]** minta **MENTERI PENDIDIKAN** menyatakan apakah butiran lanjut mengenai pengenalan kurikulum STEM baharu yang merangkumi teknologi digital dan bagaimana ia dijangka akan mempersiapkan murid untuk cabaran masa depan dalam usaha untuk meningkatkan enrolmen murid dalam bidang STEM untuk menghadapi Revolusi Industri 4.0.
41. PR-1532-L24653  
**Dato' Sri Tuan Ibharim bin Tuan Man [ Kubang Kerian ]** minta **MENTERI PERALIHAN TENAGA DAN TRANSFORMASI AIR** menyatakan jaminan Kementerian bahawa pengenalan Akses Pihak Ketiga dalam industri bekalan elektrik negara tidak akan membebankan rakyat.
42. PR-1532-L25651  
**Tuan Jimmy Puah Wee Tse [ Tebrau ]** minta **MENTERI DALAM NEGERI** menyatakan sejak Januari 2024 hingga hari ini, beberapa permohonan kewarganegaraan telah diproses, berapa banyak permohonan yang masih tertunggak. Daripada jumlah yang diproses, berapa banyak yang berjaya menerima kelulusan.
43. PR-1532-L24668  
**Tuan Wan Razali bin Wan Nor [ Kuantan ]** minta **MENTERI DALAM NEGERI** menyatakan :  
(a) bilangan pelancong China dan India yang masuk dengan pengecualian visa 30 hari daripada Januari sehingga Mei 2024; dan  
(b) adakah rekod keluar pelancong tersebut menyamai jumlah rekod kemasukan.
44. PR-1532-L24723  
**Tuan Syed Ibrahim bin Syed Noh [ Ledang ]** minta **MENTERI PENDIDIKAN** menyatakan corak pertumbuhan pendidikan dalam kalangan pelajar pasca pandemik COVID-19.
45. PR-1532-L25835  
**Tuan Riduan bin Rubin [ Tenom ]** minta **MENTERI DALAM NEGERI** menyatakan apakah tindakan bersepadu daripada aspek perundangan bagi menghapuskan penguasaan warga asing di dalam rantai perbekalan sayur-sayuran meliputi aspek penanaman, logistik, perbekalan dan penjualan kerana dikhuatiri ianya akan membentuk kartel yang akan mengawal harga sayur-sayuran di pasaran kelak.



46. PR-1532-L24429

**Tuan Hassan bin Abdul Karim [ Pasir Gudang ]** minta **MENTERI DALAM NEGERI** menyatakan apakah langkah-langkah yang telah diambil supaya penggunaan sistem baru imigresen iaitu kod QR di Tambak Johor dan Laluan Kedua dapat mengatasi kesesakan dan perlaksanaannya berjalan lancar tanpa timbul sebarang kekeliruan.

47. PR-1532-L25812

**Tuan Mohd Sany bin Hamzan [ Hulu Langat ]** minta **MENTERI PERALIHAN TENAGA DAN TRANSFORMASI AIR** menyatakan mengenai proses menaik taraf sistem perparitan dan pengairan Sg Langat dan Sg Semenyih yang tidak mampu menampung lebihan air apabila hujan yang menyebabkan banjir dan ada tebing sungai yang runtuh kesan banjir 2021 masih belum diperbaiki terutamanya di Beranang, Semenyih dan Dusun Tua dalam Parlimen Hulu Langat.

48. PR-1532-L24390

**Tuan Sim Tze Tzin [ Bayan Baru ]** minta **MENTERI DALAM NEGERI** menyatakan surat setuju terima sistem Foreign Workers Centralised Management System (FWCMS) antara KDN dan Bestinet akan tamat dalam bulan Jun 2024. Apakah cara-cara KDN menyelesaikan masalah pengurusan kemasukan pekerja asing tanpa sistem FWCMS. Apakah hala tuju KDN dalam masa jangka panjang.

49. PR-1532-L24452

**Tuan Khoo Poay Tiong [ Kota Melaka ]** minta **MENTERI PENDIDIKAN** menyatakan :

- (a) jumlah pengambilan guru baharu mengikut aliran; dan
- (b) jumlah guru yang telah bersara pilihan sejak 3 tahun kebelakangan ini serta punca-punca utama persaraan mereka (dalam peratusan).

50. PR-1532-L25099

**Datuk Suhaimi bin Nasir [ Libaran ]** minta **MENTERI PENDIDIKAN** menyatakan apakah langkah yang akan diambil bagi memastikan jumlah pelajar yang tidak mengambil peperiksaan SPM dapat dikurangkan:

- (a) nyatakan peratusan pelajar dari golongan keluarga T20, M40 dan B40 yang tidak mengambil peperiksaan SPM baru-baru ini; dan
- (b) apakah tindakan Kementerian bagi membantu para pelajar yang tidak mengambil peperiksaan tersebut terutamanya dari golongan M40 dan B40 untuk menghadapi masa hadapan.

51. PR-1532-L25396  
**Tuan Haji Mohd Hasnizan bin Harun [ Hulu Selangor ]** minta **MENTERI SUMBER ASLI DAN KELESTARIAN ALAM** menyatakan sekiranya ada dalam perancangan Kementerian untuk menubuhkan satu badan bebas yang menjalankan *root cause analysis* kepada sistem pejabat tanah dan galian (PTG) sedia ada bagi mengelakkan masalah pertindihan hak milik tanah berlaku.
52. PR-1532-L24649  
**Dato' Sri Tuan Ibharim bin Tuan Man [ Kubang Kerian ]** minta **MENTERI SUMBER ASLI DAN KELESTARIAN ALAM** menyatakan status Pelan Hala Tuju Malaysia Ke Arah Sifar Penggunaan Plastik Sekali Guna 2018-2030. Apakah halangan dan perancangan Kementerian bagi mengatasinya.
53. PR-1532-L24420  
**Tuan Haji Aminolhuda bin Hassan [ Sri Gading ]** minta **MENTERI KEWANGAN** menyatakan bagaimana pelaksanaan e-invoice oleh LHDN boleh membantu peniaga-peniaga kecil dan pengusaha Industri Kecil & Sederhana (IKS) secara keseluruhannya daripada aspek penambahan pendapatan.
54. PR-1532-L24609  
**Tuan Kalam bin Salan [ Sabak Bernam ]** minta **MENTERI PENDIDIKAN** menyatakan adakah pihak Kementerian telah mengenal pasti punca ketidakhadiran 10,160 calon SPM 2023 yang tidak menduduki peperiksaan SPM serta pelan intervensi secara terperinci yang telah dirangka oleh pihak Kementerian.
55. PR-1532-L25000  
**Datuk Seri Panglima Madius Tangau [ Tuaran ]** minta **MENTERI DALAM NEGERI** menyatakan halangan yang menyebabkan cadangan penyelesaian seperti yang disyorkan dalam Laporan Suruhanjaya Siasatan Diraja bagi menangani masalah pendatang asing tanpa izin di Sabah masih belum dilaksanakan sehingga kini.
56. PR-1532-L24815  
**Dato' Seri Dr. Wan Azizah Dr. Wan Ismail [ Bandar Tun Razak ]** minta **MENTERI PERALIHAN TENAGA DAN TRANSFORMASI AIR** menyatakan langkah-langkah yang telah diambil bagi pertumbuhan dalam sektor tenaga yang boleh diperbaharui dalam meningkatkan kecekapan tenaga dan dapat mengurangkan kebimbangan di dalam ekosistem alam sekitar.

57. PR-1532-L24406

**Dr. Haji Abd Ghani bin Ahmad [ Jerlun ]** minta **MENTERI KEWANGAN** menyatakan status terkini pelaksanaan projek ternakan udang di Kerpan selepas diambil alih oleh Blue Archipelago Bhd, anak syarikat milik penuh Khazanah Nasional Berhad.

58. PR-1532-L25960

**Tuan Ramkarpal Singh A/L Karpal Singh [ Bukit Gelugor ]** minta **MENTERI DALAM NEGERI** menyatakan status laporan polis seorang Orang Kurang Upaya (OKU) yang mendakwa bahawa beliau dipukul oleh seorang pengawal Tunku Mahkota Johor dan sama ada siasatan telah pun diambil terhadap anggota polis yang dikatakan mendorong OKU tersebut untuk tidak meneruskan dengan aduannya tersebut.

59. PR-1532-L24824

**Tuan Haji Kamal bin Ashaari [ Kuala Krau ]** minta **MENTERI PENDIDIKAN** menyatakan apakah langkah yang telah diambil oleh Kementerian bagi menyediakan generasi akan datang dengan perkembangan digital yang pesat terutamanya aplikasi kepintaran buatan (*Artificial Intelligence (AI)*) yang semakin mendapat tempat di dunia ini.

60. PR-1532-L25556

**Tuan Pang Hok Liong [ Labis ]** minta **MENTERI KEWANGAN** menyatakan sebab utama Axiata Group Berhad, sebuah syarikat berkaitan Kerajaan (GLC) telah mengalami kerugian sejumlah RM3.6 bilion di Nepal dan mengapa setakat hari ini, penglibatan pegawai selia dan pemimpin yang terlibat dalam transaksi sebesar ini tidak dihadapkan ke mahkamah.

61. PR-1532-L24732

**Tuan Kesavan A/L Subramaniam [ Sungai Siput ]** minta **MENTERI PEMBANGUNAN USAHAWAN DAN KOPERASI** menyatakan bagaimana untuk meningkatkan penglibatan belia dalam sektor koperasi serta menjadikan koperasi sebagai sumber perniagaan alternatif.

62. PR-1532-L24880

**Datuk Seri Takiyuddin bin Hassan [ Kota Bharu ]** minta **MENTERI DALAM NEGERI** menyatakan apakah hasil siasatan kes dan pendakwaan terhadap suspek yang melakukan jenayah ancaman keselamatan terhadap pemimpin politik iaitu kes serangan '*molotov cocktail*' di kediaman Ahli Parlimen Beruas dan ugutan bunuh terhadap Ahli Parlimen Seputeh.

63. PR-1532-L24394

**Puan Syerleena binti Abdul Rashid [ Bukit Bendera ]** minta **MENTERI DALAM NEGERI** menyatakan adakah Kerajaan mengambil dan mengiktiraf takrif *violent extremists* dengan memasukkan kumpulan *fanatical human rights groups* dan *overzealous leftists* dalam NAP. Takrif ini telah disebut dalam sebuah jurnal yang dikeluarkan oleh Journal of Public Security and Safety, milik KDN tetapi masih kabur dan tidak jelas.

64. PR-1532-L24541

**Tuan Sabri bin Azit [ Jerai ]** minta **MENTERI PENDIDIKAN** menyatakan sejauh mana tulisan Jawi dapat dikembalikan dalam peperiksaan di sekolah harian peringkat menengah atas setelah ditamatkan di peringkat menengah atas.

65. PR-1532-L24896

**Dr. Radzi Jidin [ Putrajaya ]** minta **MENTERI KEWANGAN** menyatakan mengapa Kerajaan terburu-buru hendak menyah senarai MAHB daripada Bursa Malaysia melalui satu Konsortium dengan tujuan untuk diberikan kepada dua syarikat asing satu blok saham yang besar, iaitu sebanyak 30%, sedangkan MAHB bukan syarikat yang rugi dan bermasalah.

66. PR-1532-L25205

**Tuan Manndzri bin Nasib [ Tenggara ]** minta **MENTERI PERPADUAN NEGARA** menyatakan apakah usaha serta tindakan yang diambil oleh pihak Kerajaan dalam menyemai serta menerapkan konsep rukun negara terutamanya prinsip kedua Kesetiaan kepada Raja dan Negara yang dilihat semakin luntur di kalangan masyarakat terutamanya generasi Y.

67. PR-1532-L24921

**Dato' Hajah Mumtaz binti Md Nawawi [ Tumpat ]** minta **MENTERI PENDIDIKAN** menyatakan apakah hala tuju dan strategi kemandirian ekonomi dalam Dasar Pendidikan Negara dan adakah Kementerian mempunyai pelan pendidikan berasaskan jaminan kerjaya dan karier sejajar dengan keperluan tenaga kerja semasa negara.

68. PR-1532-L24919

**Dato' Sri Richard Riot anak Jaem [ Serian ]** minta **MENTERI PERLADANGAN DAN KOMODITI** menyatakan apakah langkah-langkah untuk meningkatkan daya pengeluaran komoditi (lada, getah dan kelapa sawit) bagi membantu dan mengembalikan kestabilan ekonomi negara.

69. PR-1532-L24581

**Tuan Roslan bin Hashim [ Kulim Bandar Baharu ]** minta **MENTERI PENDIDIKAN** menyatakan apakah status terkini Program PERMATA susulan penjenamaan semula daripada Program GENIUS sejak Ogos 2023.

70. PR-1532-L24433

**Dato' Sri Sh Mohmed Puzi bin Sh Ali [ Pekan ]** minta **MENTERI DALAM NEGERI** menyatakan apakah statistik terkini jumlah banduan yang dibenarkan bebas awal menerusi program Pelepasan Banduan Secara Berlesen. Adakah Kerajaan berhasrat untuk melaksanakan program tahanan dalam rumah bagi individu yang berkecukupan sebagai salah satu cara mengurangkan kesesakan dalam penjara.

71. PR-1532-L24643

**Tuan Haji Mohd Misbahul Munir bin Masduki [ Parit Buntar ]** minta **MENTERI PENDIDIKAN** menyatakan langkah-langkah yang akan dilaksanakan Kementerian bagi membendung masalah-masalah kritikal pendidikan negara seperti yang didedahkan oleh Bank Dunia dalam laporan bertajuk *Bending Bamboo Shoots : Strengthening Foundational Skills* baru-baru ini.

72. PR-1532-L24392

**Tuan Sim Tze Tzin [ Bayan Baru ]** minta **MENTERI KEWANGAN** menyatakan berapa peratus pencarum KWSP yang memilih pindahan ke akaun 3 (akaun flexible) setakat kini. Nyatakan jumlah pengeluaran yang dikeluarkan setakat ini. Apakah impak kepada kedudukan kewangan KWSP akibat pengeluaran ini.

73. PR-1532-L24539

**Datuk Muslimin bin Yahaya [ Sungai Besar ]** minta **MENTERI PENDIDIKAN** menyatakan :

- (a) berapa jumlah kekosongan jawatan guru dari tahun 2018 hingga kini; dan
- (b) apakah usaha dan langkah yang telah dan akan dilaksanakan oleh Kementerian bagi mengisi kekosongan jawatan tersebut.

74. PR-1532-L24498

**Tuan Ganabatirau A/L Veraman [ Klang ]** minta **MENTERI PENDIDIKAN TINGGI** menyatakan apakah langkah-langkah yang sedang diambil oleh Kementerian untuk membendung pemikiran rasisme dan diskriminasi berdasarkan kaum antara pelajar-pelajar di universiti-universiti awam negara.

75. PR-1532-L25142  
**Dato' Sri Saifuddin Abdullah [ Indera Mahkota ]** minta **MENTERI PENDIDIKAN** menyatakan sejauh manakah penekanan Kementerian terhadap aspek pendidikan prasekolah memandangkan satu perempat kanak-kanak Malaysia didapati masih kurang kemahiran membaca, menulis dan mengira (3M).
76. PR-1532-L25334  
**Puan Isnaraissah Munirah Majilis [ Kota Belud ]** minta **MENTERI PERALIHAN TENAGA DAN TRANSFORMASI AIR** menyatakan adakah Kementerian bercadang untuk menggali dan mendalamkan muara Sungai Kuala Abai, Kota Belud yang semakin cetek yang bukan sahaja menjejaskan pendapatan nelayan malah rakyat di sini berhadapan dengan risiko banjir.
77. PR-1532-L24669  
**Tuan Wan Razali bin Wan Nor [ Kuantan ]** minta **MENTERI DALAM NEGERI** menyatakan tindakan pihak Kerajaan dalam membendung penghinaan terhadap agama Islam seperti kes kalimah Allah pada stoking daripada terus berlaku pada masa akan datang.
78. PR-1532-L25841  
**Tuan Yuneswaran A/L Ramaraj [ Segamat ]** minta **MENTERI SUMBER ASLI DAN KELESTARIAN ALAM** menyatakan apakah tindakan Kementerian terhadap pelan tindakan dan perubahan dasar yang bakal dilakukan untuk mempercepatkan usaha mitigasi perubahan iklim berdasarkan Konferens Perubahan Iklim PBB 2023 (COP 28).
79. PR-1532-L25784  
**Tuan Wan Ahmad Fayhsal bin Wan Ahmad Kamal [ Machang ]** minta **MENTERI DALAM NEGERI** menyatakan sama ada terdapat cadangan pembinaan bangunan Agensi Anti-Dadah Kebangsaan (AADK) Daerah Machang memandangkan pada ketika ini, AADK Daerah Machang masih menyewa di bangunan rumah kedai persendirian.
80. PR-1532-L24499  
**Tuan Ganabatirau A/L Veraman [ Klang ]** minta **MENTERI PENDIDIKAN TINGGI** menyatakan Keputusan Sistem Kajian Pengesanan Graduan 2023 dan menjelaskan apakah rancangannya untuk meningkatkan peratusan kebolehpasaran graduan kita pada tahun-tahun yang akan datang.

81. PR-1532-L24984

**Tuan Afnan Hamimi bin Dato' Haji Taib Azamuddin [ Alor Setar ]** minta **MENTERI PENDIDIKAN** menyatakan apakah implikasi terhadap pencapaian prestasi akademik Pelajar Tingkatan Satu di sekolah-sekolah berasrama penuh (SBP) sejak pemansuhan peperiksaan UPSR.

82. PR-1532-L24418

**Tuan Haji Aminolhuda bin Hassan [ Sri Gading ]** minta **MENTERI KEWANGAN** menyatakan apakah mekanisme yang akan digunakan oleh Kerajaan dalam menilai penerima yang layak bagi program BUDI MADANI memandangkan sistem Pangkalan Data Utama (PADU) telah tersedia.

83. PR-1532-L25704

**Tuan Fathul Huzir bin Ayob [ Gerik ]** minta **MENTERI KEWANGAN** menyatakan syarat dan kemungkinan untuk menjadikan Pengkalan Hulu sebagai Zon Eksklusif Ekonomi sempadan atau Zon Bebas Cukai bagi meningkatkan ekonomi tempatan dan negara dalam radius 20KM dari pintu sempadan Malaysia Thailand.

84. PR-1532-L24605

**Dato' Anyi Ngau [ Baram ]** minta **MENTERI PENDIDIKAN** menyatakan jumlah sekolah rendah yang berstatus Sekolah Kurang Murid (SKM) di seluruh negara dan Sarawak serta kawasan Baram. Nyatakan tindakan serta rancangan masa pendek dan panjang pihak Kementerian berkenaan masa depan SKM khususnya di kawasan-kawasan luar bandar dan pedalaman.

85. PR-1532-L24485

**Dato' Haji Abdul Khalib bin Abdullah [ Rompin ]** minta **MENTERI KEWANGAN** menyatakan perincian mengenai impak pelaksanaan sistem invois elektronik (e-Invoice) yang bakal diimplementasi secara berperingkat termasuk dari segi aspek pentadbiran serta langkah untuk memastikan agar ia tidak membebankan golongan peniaga dan usahawan kecil.

86. PR-1532-L25164

**Dato' Verdon bin Bahanda [ Kudat ]** minta **MENTERI PERALIHAN TENAGA DAN TRANSFORMASI AIR** menyatakan peruntukan yang telah diluluskan Kerajaan dalam menyelesaikan isu bekalan air bersih di Sabah khususnya di Kudat.

87. PR-1532-L24683  
**Dato' Hajah Siti Zailah binti Mohd Yusoff [ Rantau Panjang ]** minta **MENTERI PERALIHAN TENAGA DAN TRANSFORMASI AIR** menyatakan penjelasan tentang status terkini pembinaan Fasa 2 tebatan banjir di Rantau Panjang sebagaimana yang dijanjikan oleh Kementerian akan bermula pembinaannya pada tahun ini dan bilakah projek ini dijangka siap.
88. PR-1532-L24407  
**Dr. Haji Abd Ghani bin Ahmad [ Jerlun ]** minta **MENTERI KEWANGAN** menyatakan adakah Kerajaan bercadang untuk meningkatkan kadar bantuan Sumbangan Tunai Rahmah (STR) dan Sumbangan Asas Rahmah (SARA) kepada golongan miskin dan miskin tegar dalam Bajet 2025 nanti ekoran kos sara hidup yang semakin meningkat.
89. PR-1532-L25006  
**Dato' Azman bin Nasrudin [ Padang Serai ]** minta **MENTERI PERLADANGAN DAN KOMODITI** menyatakan langkah-langkah untuk menangani masalah kekurangan pekerja di dalam sektor perladangan, khususnya dalam sektor minyak sawit, dan mekanisme Kementerian dalam mengawal hal ehwal pekerja asing terhadap sektor perladangan.
90. PR-1532-L24573  
**Tuan Haji Mohd Syahir bin Che Sulaiman [ Bachok ]** minta **MENTERI KEWANGAN** menyatakan secara terperinci unjuran terkini kadar pertumbuhan KDNK bagi tahun 2024 dan 2025 ekoran prestasi KDNK negara yang mencatatkan 4.2% bagi suku pertama 2024 berbanding kadar 5.6% pada suku pertama 2023 serta perbandingan dengan negara-negara jiran di Asia Tenggara.
91. PR-1532-L25884  
**Tuan Prabakaran A/L M Parameswaran [ Batu ]** minta **MENTERI PERALIHAN TENAGA DAN TRANSFORMASI AIR** menyatakan kesediaan Kerajaan dalam melaksana projek empangan bawah tanah bagi meningkatkan sumber air di Malaysia.
92. PR-1532-L24618  
**Dr. Siti Mastura binti Muhammad [ Kepala Batas ]** minta **MENTERI DALAM NEGERI** menyatakan :
- (a) apakah masih terdapat aktiviti judi sukan secara dalam talian; dan
  - (b) berapa jumlah tangkapan dan rampasan yang telah dibuat sejak tahun 2020 sehingga kini berkaitan judi dalam talian mengikut jenis sukan.



93. PR-1532-L25941

**Tuan Mordi Bimol [ Mas Gading ]** minta **MENTERI DALAM NEGERI** menyatakan jumlah permohonan kewarganegaraan dan jumlah yang sedang diproses serta jumlah yang telah diluluskan bagi negeri Sarawak dan juga khususnya kawasan Parlimen Mas Gading setakat 2024.

94. PR-1532-L24672

**Datuk Che Mohamad Zulkifly bin Jusoh [ Besut ]** minta **MENTERI DALAM NEGERI** menyatakan :

- (a) usaha untuk menaik taraf tahap keselamatan di pintu masuk balai polis terutama yang terpencil; dan
- (b) pelan jangka pendek dan jangka panjang dalam menangani isu kritikal keselamatan negara seperti kes yang membabitkan serangan di Balai Polis Ulu Tiram, Johor baru-baru ini.

95. PR-1532-L25749

**Dato' Muhammad Bakhtiar bin Wan Chik [ Balik Pulau ]** minta **MENTERI PERALIHAN TENAGA DAN TRANSFORMASI AIR** menyatakan apakah rancangan PETRA untuk memastikan kita mencapai matlamat SDG 6 (Air Bersih dan Sanitasi) secara spesifiknya 6.1.1 "Kadaran penduduk yang menggunakan perkhidmatan air minuman yang diurus dengan selamat."

96. PR-1532-L25927

**Tuan Chong Zhemini [ Kampar ]** minta **MENTERI KEWANGAN** menyatakan adakah Kerajaan akan menukar semua kenderaan rasmi Kerajaan kepada EV termasuk kenderaan rasmi Menteri sepertimana yang diumumkan dalam Bajet 2023.

97. PR-1532-L24944

**Dr. Hajah Halimah Ali [ Kapar ]** minta **MENTERI KEWANGAN** menyatakan mengapa Kerajaan perlu membenarkan pegangan saham MAHB kepada syarikat pro Israel Blackrock melalui anak syarikatnya GIP sedangkan MAHB telah mencatatkan pertumbuhan dan keuntungan suku pertama 2024.

98. PR-1532-L24518

**Tuan Haji Onn bin Abu Bakar [ Batu Pahat ]** minta **MENTERI KEWANGAN** menyatakan secara terperinci rancangan pembangunan tanah 'airport' Sungai Besi 50 ekar yang telah dijadikan Tanah Rezab Melayu.

99. PR-1532-L24483

**Tuan Haji Muhammad Islahuddin bin Abas [ Mersing ]** minta **MENTERI KEWANGAN** menyatakan :

- (a) butiran terperinci dan jangkaan garis masa yang sebenar bagi pelaksanaan program rasionalisasi subsidi kepada rakyat; dan
- (b) usaha Kerajaan untuk membantu golongan petani, pesawah, pekebun kecil, penternak, dan nelayan khususnya di Mersing kesan pelaksanaan rasionalisasi subsidi tersebut.

100. PR-1532-L25064

**Datuk Larry Soon @ Larry Sng Wei Shien [ Julau ]** minta **MENTERI KEWANGAN** menyatakan bilakah Kementerian akan mula melaksanakan mekanisme yang lebih mantap untuk menentukan siapakah yang layak atau tidak layak untuk menerima setiap bantuan subsidi tersebut.

101. PR-1532-L25901

**Dr. Kelvin Yii Lee Wuen [ Bandar Kuching ]** minta **MENTERI KEWANGAN** menyatakan pelan dan rasional Kerajaan untuk memperkenalkan polisi subsidi bersasar minyak diesel dan RON95 dan apakah inisiatif yang akan dilakukan untuk membantu mereka yang terkesan disebabkan polisi tersebut.

102. PR-1532-L25178

**Puan Hajah Salamiah binti Mohd Nor [ Temerloh ]** minta **MENTERI KEWANGAN** menyatakan mengapa kenaikan cukai dan potongan subsidi didahulukan oleh pihak Kerajaan sebelum memastikan rasionalisasi subsidi bersasar berjalan dengan baik.

103. PR-1532-L24681

**Dato' Hajah Siti Zailah binti Mohd Yusoff [ Rantau Panjang ]** minta **MENTERI PERALIHAN TENAGA DAN TRANSFORMASI AIR** menyatakan apakah perancangan jangka pendek dan jangka panjang Kerajaan untuk naik taraf jalan raya di atas tebatan banjir sepanjang Sungai Golok untuk pelancongan dan keselamatan sempadan.

104. PR-1532-L25115

**Tuan Ahmad Fadhli bin Shaari [ Pasir Mas ]** minta **MENTERI KEWANGAN** menyatakan adakah Kerajaan akan mempertimbangkan untuk memulangkan 20 peratus daripada hasil cukai yang dibayar oleh rakyat mana-mana negeri kepada Kerajaan negeri berkenaan bagi tujuan pembangunan sebagaimana cadangan salah seorang Ketua Menteri baru-baru ini.

105. PR-1532-L25431

**Datuk Haji Idris bin Haji Ahmad [ Bagan Serai ]** minta **MENTERI KEWANGAN** menyatakan :

- (a) justifikasi penglibatan syarikat pro-Israel ke dalam pengurusan lapangan terbang di Malaysia apabila saham MAHB turut dimiliki oleh Blackrock melalui Global Infrastructure Partners (GIP); dan
- (b) mengapa Kerajaan enggan mempertimbangkan semula keputusan ini sedangkan ia dibantah pelbagai pihak termasuk oleh gerakan BDS Malaysia.

106. PR-1532-L25910

**Dato' Seri Amirudin bin Shari [ Gombak ]** minta **MENTERI PENDIDIKAN** menyatakan langkah yang akan diambil oleh Kementerian susulan Laporan Bank Dunia pada bulan April 2024 yang menyatakan bahawa 24 peratus pelajar tidak mempunyai kesediaan asas untuk memasuki zaman persekolahan, dan 42 peratus pelajar sekolah rendah mengalami kekangan untuk membaca.

107. PR-1532-L25532

**Datuk Seri Haji Jalaluddin bin Haji Alias [ Jelebu ]** minta **MENTERI SUMBER ASLI DAN KELESTARIAN ALAM** menyatakan jumlah terkini Tanah Rizab Melayu (TRM) di seluruh negara dan benarkah dakwaan yang ditimbulkan sesetengah pihak bahawa Tanah Rizab Melayu ini semakin berkurang jumlahnya.

108. PR-1532-L25238

**Dato' Mohd Isam bin Mohd Isa [ Tampin ]** minta **MENTERI DALAM NEGERI** menyatakan status semasa penggubalan RUU Pesara dan Bekas Polis yang bakal dibentangkan pada tahun ini bagi menjamin kebajikan para anggota keselamatan tersebut serta apakah manfaat atau kebaikan yang bakal dinikmati oleh golongan terbabit.

**ATURAN URUSAN MESYUARAT DAN USUL-USUL**

1. ( D.R.14/2024 ) Rang Undang-Undang Suruhanjaya Penerbangan Malaysia (Pembubaran) 2024. **Bacaan Kali Yang Kedua**

**[ Menteri Pengangkutan ]**

2. ( D.R.15/2024 ) Rang Undang-Undang Pihak Berkuasa Penerbangan Awam Malaysia (Pindaan) 2024. “

**[ Menteri Pengangkutan ]**

3. **Menteri di Jabatan Perdana Menteri** akan mencadangkan :

**"Bahawa Dewan ini,**

membuat ketetapan bahawa Laporan Tahunan dan Penyata Kewangan Suruhanjaya Hak Asasi Manusia Malaysia (SUHAKAM) 2021 dan Tahun 2022 (Kertas Statut ST.86 Tahun 2024 dan ST.87 Tahun 2024) untuk membahaskan isu-isu dan syor-syor yang terkandung dalam kedua-dua Laporan Tahunan ini;

**memperakui** bahawa aspirasi dan komitmen Kerajaan yang telus dan berintegriti dalam usaha melindungi, memenuhi tanggungjawab dan menghormati isu hak asasi manusia telah mengangkat dan menjadikan SUHAKAM sebagai satu badan bebas yang dikenali di peringkat nasional dan antarabangsa sehingga diberi pengiktirafan status A di bawah Prinsip-prinsip Paris (*Paris Principles*) selain mampu mewujudkan kerjasama yang baik antara agensi Kerajaan dan Badan Bukan Kerajaan (NGO) demi melindungi dan mempromosi hak asasi manusia di Malaysia;

**menyedari** bahawa di dalam era dunia digital ini dengan kemudahan memperoleh maklumat dari internet dan media sosial menyebabkan pentingnya isu hak asasi manusia untuk diberi penjelasan dan pencerahan oleh pihak SUHAKAM dan Kerajaan bagi memastikan agenda Kerajaan untuk meningkatkan kualiti hidup rakyat difahami dengan baik dan ditangani dengan sewajarnya selain keperluan Kerajaan untuk membantu/bekerjasama rapat dengan SUHAKAM dalam memperkukuhkan lagi usaha mempertingkatkan kesedaran mengenai hak asasi manusia dan menjaga serta menangani pelbagai isu sosial, ekonomi, kebudayaan serta politik di kalangan rakyat;



Kerajaan boleh mempertimbangkan kadar GST yang lebih rendah iaitu daripada 6 peratus kepada 4 peratus yang dilihat lebih munasabah serta tidak membebankan pengguna dan pembayar cukai. Manakala pelaksanaan serta pematuhannya perlu dipermudah dengan kesan minima kepada perniagaan seperti penambahbaikan mekanisme pembayaran semula cukai dapat disegerakan dalam tempoh 14 hari dan Kerajaan perlu melantik auditor bebas dari pihak swasta untuk menyemak rekod bagi memastikan tiada sebarang pelanggaran cukai berlaku.

Sistem percukaian GST yang pernah dilaksanakan negara sebelum ini adalah sistem cukai yang lebih baik berbanding pelaksanaan cukai jualan dan perkhidmatan (SST) dan lambakan cukai yang akan dilaksanakan pada tahun ini, dan seharusnya Kerajaan perlu segera mengambil iktibar dari kesan pemansuhan GST pada 2018 yang telah membebankan rakyat sehingga hari ini.

Malah, dengan pengenalan semula GST ini, maka tidak perlu lagi dilaksanakan sistem e-Invois yang hanya akan menghuru-harakan para peniaga kecil dan sederhana."

**[ Menteri Kewangan ]**

7. PR-1532-U(27)329

**Datuk Seri Ir. Dr. Wee Ka Siong [ Ayer Hitam ]** akan mencadangkan :

"Bahawa Dewan Rakyat ini menggesa Kerajaan untuk mengeluarkan gula daripada diwartakan di bawah Akta Kawalan Harga dan Antipencatutan 2011 dalam usaha mengurangkan penyakit diabetes dalam kalangan rakyat Malaysia berbanding langkah Kerajaan memperkenalkan sistem penggredan untuk kandungan gula.

Harga gula di Malaysia kini kekal rendah dan di bawah harga siling adalah disebabkan pemberian insentif oleh Kerajaan sebanyak RM42 juta sebulan kepada semua pengilang gula di negara ini mulai November 2023 dan telah menyebabkan harga gula di Malaysia, yang bukan negara pengeluar gula, antara yang terendah di dunia.

Malah, Malaysia kini juga mempunyai kadar diabetes tertinggi di rantau Pasifik Barat dan antara tertinggi di dunia. Dan, dijangka tujuh juta individu berumur 18 tahun ke atas di Malaysia berpotensi menghidap penyakit kencing manis atau pra-diabetes menjelang tahun 2025.

Kerajaan perlu bertindak sebagaimana yang dilaksanakan oleh Kerajaan Barisan Nasional (BN) pada 2013, yang memansuhkan subsidi gula dan kerajaan Pakatan Harapan (PH) pada tahun 2019 yang mengenakan cukai ke atas minuman bergula yang secara tidak langsung akan dapat membendung krisis penyakit tidak berjangkit (NCD) di Malaysia dan mampu mengurangkan kos perubatan negara."

**[ Menteri Kewangan ]**

## 8. PR-1532-U(27)330

**Datuk Seri Ir. Dr. Wee Ka Siong [ Ayer Hitam ]** akan mencadangkan :

"Bahawa Dewan Rakyat ini menggesa Kerajaan untuk meningkat dan memperketatkan kawalan keselamatan serta ketenteraman negara pada tahap tertinggi terutama di lokasi-lokasi sensitif, premis kerajaan, tempat-tempat tumpuan awam dan fasiliti berkepentingan.

Kesemua peringkat kepimpinan pasukan keselamatan negara serta petugas di lapangan perlu mengambil langkah-langkah komprehensif semasa menjalankan tugas dengan mematuhi pekeliling dan mengikut prosedur operasi standard (SOP) yang telah dikeluarkan bagi mengelakkan insiden seperti yang berlaku di Balai Polis Ulu Tiram, Johor kembali berulang dan mengorbankan mereka yang tidak bersalah.

Perhatian dan tindakan serius dari Kerajaan perlu segera diambil bagi menangani kegusaran masyarakat umum mengenai tahap keselamatan dan ketenteraman negara."

**[ Menteri Dalam Negeri ]**

## 9. PR-1532-U(27)331

**Datuk Seri Ir. Dr. Wee Ka Siong [ Ayer Hitam ]** akan mencadangkan :

"Bahawa Dewan Rakyat ini menggesa Kerajaan untuk memberi komitmen secara menyeluruh dalam usaha mengekalkan 50 peratus litupan hutan di Malaysia susulan laporan "*State of the Malaysian Rainforest*" oleh pemerhati alam sekitar, RimbaWatch mengenai 3.2 juta hektar hutan semula jadi berisiko ditebang manakala sebanyak 2.4 juta hektar berada dalam ancaman hutan balak iaitu kira-kira sebesar saiz gabungan Johor dan Negeri Sembilan.

Koordinasi oleh kementerian yang bertanggungjawab mesti dilaksanakan secara bersepadu dengan bantuan, sokongan dan kerjasama komuniti saintifik, masyarakat tempatan, agensi-agensi kerajaan tempatan, negeri dan persekutuan, serta pembabitian pihak swasta dan korporat. Dan, Malaysia perlu menjadi teladan kepada dunia dalam usaha memerangi krisis kehilangan sumber kepelbagaian biologi dan perubahan iklim."

**[ Menteri Sumber Asli dan Kelestarian Alam ]**

10. PR-1532-U(27)323

**Tuan Wan Ahmad Fayhsal bin Wan Ahmad Kamal [ Machang ]** akan mencadangkan :

"Bahawa Dewan ini membuat ketetapan untuk mempertimbang dan/atau menarik semula keputusan penjualan sebahagian saham Malaysia Airports Holdings Berhad (MAHB) kepada Global Infrastructure Partners (GIP) milik BlackRock Inc."

**[ Menteri Kewangan ]**

11. PR-1532-U(27)324

**Tuan Wan Ahmad Fayhsal bin Wan Ahmad Kamal [ Machang ]** akan mencadangkan :

"Bahawa Dewan ini membuat ketetapan untuk menggantikan penggunaan nama Israel kepada Negara Palestin yang diduduki atau *Occupied State of Palestine* bagi merujuk negara haram di bawah Regim Zionis."

**[ Menteri Luar Negeri ]**

12. PR-1532-U(27)325

**Dato' Indera Mohd Shahar bin Abdullah [ Paya Besar ]** akan mencadangkan :

"Bahawa Dewan Rakyat menggesa Kerajaan untuk membentangkan laporan kajian menyeluruh untuk memahami punca pelajar tidak menduduki peperiksaan SPM agar tidak terus membarah.

Penerangan ini melibatkan tinjauan, perbincangan kumpulan fokus atau inisiatif penglibatan komuniti untuk mengumpulkan maklumat langsung daripada pelajar yang terjejas dan keluarga mereka.

Seramai 10,160 pelajar yang mendaftar SPM 2023 tidak menduduki peperiksaan tersebut. Daripada 383,685 calon yang baru mendaftar, hanya 373,525 yang hadir dan mengambil sekurang-kurangnya satu mata pelajaran.

Mereka akan menghadapi pilihan pekerjaan yang terhad. Jawatan yang boleh selalunya memerlukan kurang kepakaran dan menawarkan gaji yang lebih rendah, menjadikannya lebih sukar bagi mereka untuk mendapatkan pekerjaan yang berpendapatan tinggi. Akibatnya, memenuhi keperluan asas seperti perumahan, penjagaan kesihatan dan keperluan boleh menjadi cabaran besar bagi mereka seterusnya membawa kepada insiden kemiskinan pada masa hadapan."

**[ Menteri Pendidikan ]**



## 13. PR-1532-U(27)326

**Dato' Indera Mohd Shahar bin Abdullah [ Paya Besar ]** akan mencadangkan :

"Bahawa Dewan Rakyat menggesa Kerajaan untuk mewujudkan dasar keterlibatan yang jelas dan polisi penerimaan maklumat bagi memudahkan masyarakat tempatan membuat persediaan awal terhadap kesan limpahan ekonomi melalui pembangunan mega tersebut.

Dasar ini menyokong jalinan libat urus pihak Kerajaan kepada masyarakat setempat bagi meningkatkan kefahaman khusus terhadap potensi limpahan ekonomi untuk setiap lokaliti disamping memberi ruang sokongan peluang pekerjaan kepada bakat tempatan. Pengesahan projek mega seperti contoh Projek Lebuhraya Pan Borneo, MRT dan ECRL sewajarnya diberi maklum secara khusus seperti contoh program kerjasama jalinan bersama penduduk setempat dari sudut manfaat ekonomi sama ada sebelum, semasa dan selepas pembinaan. Dengan keterlibatan yang menyeluruh ini akan memberi ruang persediaan kepada penduduk setempat menjadi sebahagian dari penyumbang dan pemilik pertumbuhan ekonomi lokaliti.

Adalah menjadi harapan, limpahan atau spill over impak projek pembangunan mega dapat dirasakan dan dimanfaatkan sepenuhnya oleh penduduk setempat."

**[ Menteri Ekonomi ]**

## 14. PR-1532-U(27)327

**Dato' Indera Mohd Shahar bin Abdullah [ Paya Besar ]** akan mencadangkan :

"Bahawa Dewan Rakyat menggesa Kerajaan untuk membentangkan kertas putih bagaimana strategi untuk mencapai sasaran 300,000 pekerja tambahan yang terdiri dari 60,000 pekerja jurutera mahir tempatan dalam industri semikonduktor dan mengekalkan Malaysia sebagai salah satu pengeksport utama dunia dengan jumlah RM1.2 trillion nilai eksport menjelang 2030.

Walau bagaimanapun, jumlah pelajar dalam bidang kejuruteraan telah menurun sehingga 18% manakala jumlah jurutera juga turut menurun sehingga 30% semenjak 5 tahun kebelakangan ini. Penurunan ini juga memberi impak berganda dengan perpindahan bakat ke luar negara sebanyak 20% kesan dari peluang pekerjaan yang lebih baik.

Oleh yang demikian, terdapat keperluan pihak Kerajaan dan agensi menerangkan pelan tindakan jalinan kerjasama industri dengan pihak institusi pengajian dan memberi justifikasi untuk membenarkan pelajar luar negara dari bidang kejuruteraan di universiti tempatan untuk bekerja di dalam industri semikonduktor di Malaysia sekurang-kurangnya dua atau tiga tahun."

**[ Menteri Pelaburan, Perdagangan dan Industri ]**

**RISALAT-RISALAT YANG DIBAWA KE DALAM MESYUARAT**  
**(DEWAN RAKYAT)**

| <b><u>TAHUN</u></b><br><b><u>2024</u></b> | <b><u>RISALAT/DOKUMEN</u></b>                                                                                                                                                             | <b><u>TARIKH</u></b><br><b><u>DIBENTANGKAN</u></b> |
|-------------------------------------------|-------------------------------------------------------------------------------------------------------------------------------------------------------------------------------------------|----------------------------------------------------|
| DR. 15                                    | Laporan Jawatankuasa Kira-Kira Wang Negara (PAC) berhubung FELCRA Berhad di bawah Menteri Kewangan (Diperbadankan), Kementerian Kewangan Malaysia & Kementerian Kemajuan Desa dan Wilayah | 26 Jun 2024                                        |

**\*\*UCAPAN-UCAPAN**  
**( PERATURAN MESYUARAT 17 )**  
**( KAMAR KHAS )**

| <b>Ahli Yang Berucap</b>                            | <b>Tajuk Ucapan</b>                                                                                                                                   | <b>Menteri Yang Bertanggungjawab</b>                                   |
|-----------------------------------------------------|-------------------------------------------------------------------------------------------------------------------------------------------------------|------------------------------------------------------------------------|
| YB Datuk Seri Panglima Madius Tangau (Tuaran)       | 1. Keselamatan Pelajar di Pedalaman Sabah yang Berjalan Kaki ke Sekolah<br><br>2. Mengatasi Ketidaktepatan Diagnosis di Unit-Unit Kecemasan Hospital  | 1. YB Menteri Kemajuan Desa dan Wilayah<br><br>2. YB Menteri Kesihatan |
| YB Dr. Ahmad Fakhruddin bin Fakhurazi (Kuala Kedah) | 3. Penyelenggaraan Jalan Raya dan Sistem Perparitan Jalan Kuala Kedah<br><br>4. Peningkatan Kualiti Kawasan Rukun Tetangga dalam Parlimen Kuala Kedah | 3. YB Menteri Kerja Raya<br><br>4. YB Menteri Perpaduan Negara         |

**\*\* Ucapan Di Bawah Usul Berkenaan Perkara Tadbir Kerajaan (Peraturan Mesyuarat 17)**